

„ORÐRÉTT“

Lögmál lögspekinnar

„Síðan tók ég á endanum, þegar ég þurfti að komast að ákveðinni niðurstöðu, annan pól í hæðina.“

PETER GOLDSMITH, LÖGFRÆÐIRÁÐGJAFI BRESKU RÍKISSTJÓRNARINNAR, UM AÐ HANN HAFI HÆTT VIÐ AÐ TELJA ÍRAKSSTRÍÐIÐ ÓLÖGLEGT.
Fréttablaðið, 28. janúar

Datt nokkrum það í hug?

„Við höfum ekki játað nein brot enda hafa engin brot verið framin.“

ÁGÚST GUÐMUNDSSON BAKKAVARARBRÓÐIR UM YFIRHEYRSLUR HJÁ SÉRSTÖKUM SAKSÓKNARA VEGNA RANNSÓKNAR Á FJÁRMÁLUM EXISTU.
Fréttablaðið, 28. janúar

tilveran

nær og fjær

HVAD ER AÐ FRÉTTA? HELGA SIGRÚN HARÐARDÓTTIR, FYRRVERANDI ÞINGMAÐUR

Byrjuð að skipuleggja stangveiðina

„Það er allt glimrandi fínt að fréttá,“ segir Helga Sigrún Harðardóttir, fyrrverandi alþingismaður Framsóknarflokksins. Hún leggur nú stund á laganám við Háskólann í Reykjavík og er búin með hálfri ári – hálfra BA-gráðu, hvorki meira né minna.

„Þetta hefur gengið ofsalega vel,“ segir Helga Sigrún. „Þetta er eitthvað það skemmtilegasta sem ég gert í mínu lífi, fyrir utan það að verða amma,“ bætir hún við. „Ég fann fjölinna mína algjörlega á degi þrjú. Þetta er frábært fag, sérstaklega þegar maður hefur margvíslega reynslu af lífinu þá tengist það svo mörgu af því sem maður hefur gert. Ég tala nú ekki um þegar maður hefur unnið í þinginu og setið þar inni. Þetta er bara svo ofboðslega mannlegt fag.“

Helga Sigrún saknar ekki stjórnmalanna. „Það er svo ótrúlega margt í stjórnkerfinu sem maður rak sig á og hefur rekið sig á í gegnum tíðina, sem er í svo miklu ólagi að fyrir mína parta þá er þetta umhverfi alveg skelfilegt,“ útskýrir hún. „Ég sakna þess ekki neitt og er ekki á leiðinni til baka.“

Helga Sigrún segir laganámið taka mikinn toll og því sé ekki mikið pláss fyrir annað í hennar lífi þessi misserin. Hún er þó byrjuð að huga að næsta sumri og farin að skipuleggja stangveiðiferðir með manni sínum og fleiri veiðifélögum. „Það verður að skipuleggja það strax,“ segir hún, en þau reyna að komast í urriðaveiði í Laxárdal á hverju sumri.



HANDBOLTI

SPILAÐ AÐ ÓSK HITLERS

Íþróttir líkar handbolta hafa verið spilaðar víða um heim í aldanna rás. Nútímaútgáfan er þó yfirlit talin upprunin í Danmörku. Fyrstu reglurnar voru skjalfestar af dönskum íþróttakennara árið 1898. Þýskar reglur voru útgefnar árið 1917, og fyrsti landsleikurinn var leikinn eftir þeim reglum árið 1925 milli Þýskalands og Austurríkis. Íþróttin var spiluð á Ólympíuleikumum í Berlín árið 1936 samkvæmt sérstakri ósk frá Adolf Hitler. Handbolti var ekki með á leikumum 1940, og komst ekki á dagskrá aftur fyrr en árið 1976.



Með hugann við 19. öldina

Halaleikhópurinn frumsýnir í næstu viku leikritið Sjöundá-Svartfugl Gunnars Gunnarssonar sem fjallar um eitt þekktasta sakamál Íslands-sögunnar, morðin á Sjöundá og réttarhöldin yfir þeim Bjarna Bjarnasyni og Steinunni Sveinsdóttur. Ágústa Skúladóttir leikstýrir verkinu sem er þriðja verkefnið í röð sem hún tekur að sér og gerist á 19. öldinni.

Ágústa segir það vera tilviljun að hún hafi fengið við svona mörg verkefni tengd nítjándu öldinni undanfarið. „En ég hef mjög gaman af þessu og verkin eru öll skemmtilega ólík,“ segir Ágústa sem er á kafi í undirbúningi fyrir leikritið um morðin á Sjöundá og eftirmála þeirra, réttarhöldin yfir þeim Bjarna Bjarnasyni og Steinunni Sveinsdóttur en þeim var gefið að sök að hafa lagt á ráðin og banað mökum sínum. „Leikgerðin upp úr verki Gunnars er ný en ég gerði hana í samvinnu við Þorgeir Tryggvason og leikhópin,“ segir Ágústa. Þorgeir er einn meðlima í hljómsveitinni Ljótu hálfvitarnir en einn eða fleiri úr þeirri sveit koma við sögu í þessum verkefnum sem öll gerast á nítjándu öldinni. „Í fyrra setti ég upp leikrogramm um Jörund hundadagakonung eftir handriti tveggja, meðlimir úr sveitinni sömdu handrit að verki um Bólu-Hjálmar sem ég leikstýri,“ segir Ágústa og lætur vel af þessu samstarfi sem



Á LEIÐ Á ÆFINGU Ágústa Skúladóttir leikstjóri, þriðja frá vinstri í aftari röð, stillti sér upp ásamt leikurum í Halaleikhópnum þegar Fréttablaðið leit inn á æfingu í vikunni.

reyndar hefur oftast en einu sinni hlotið verðlaun, sýningin um Bólu-Hjálmar hlaut Grímuverðlaunin sem barna og unglingsleikisýning ársins 2009 og sýningin Klaufar og kóngsdætur

sömu leiðis þar sem Þorgeir var einn höfunda.

Í leikgerð Halaleikhópsins um morðin á Sjöundá er mikil áhersla lögð á réttarhöldin yfir Bjarna og Steinunni. „Við bjuggum til tvo nýja karaktera, stelpur sem líta um óxl og rifja atburðina upp. Annars erum við trú texta Gunnars sem auðvelt reyndist að setja í dýlaga. Þetta voru dramatísk réttarhöld sem lauk með játningu þeirra beggja,“ segir Ágústa en þess má geta að Steinunn dó í fangelsi hér á landi en Bjarni var teknin af lífi í Kaupmannahöfn.

Halaleikhópurinn er áhugaleikhópur fatlaðra og ófatlaðra einstaklinga sem hefur verið mjög virkur frá stofnun 1992. Ágústa hefur ekki unnið með þeim áður og segir það mjög skemmtilegt og áhugavert. „Við erum með mjög flotta leikara á öllum þóstum.“

sigridur@frettabladid.is

LEIKLIST FYRIR ALLA

„Halaleikhópurinn var stofnaður 27. september 1992 með það að markmiði að „íðka leiklist fyrir alla“ og hefur starfað óslitið síðan. Við höfum sett upp veglega leikisýningu á hverju ári, stundum fleiri en eina, sjö leikrit hafa verið frumsamin fyrir leikhópin og hafa þær jafnan vakið mikla athygli. Þar sem leikhópurinn er samansettur af ólíkum einstaklingum, fótluðum sem ófótluðum, verður fjölbreytnin meiri og þar af leiðandi túlkunin.

Þannig hefur hópurinn opnað augu almennings fyrir því að fatlað fólk getur einnig, þrátt fyrir ýmsar hindranir, leikið á sviði eins og allir aðrir. Þetta áhugaleikfélag hefur lyft grettistaki í að eyða fordómum og styrkja einstaklinga til að taka skref, sem annars hefðu verið ófarin og styrkir því marga Halafélaga á einn eða annan hátt. Fötun er eitthvað sem gleymist í þessu áhugaleikfélagi.“
www.halaleikhopurinn.is

Gefðu vatn

Hjálparstarf kirkjunnar

www.help.is

Í Múrbúðinni eru allar málningarvörur á góðu verði

Deka Meistaralakk 40 Akryllakk. 1 líter
1.495kr.

Deka Pro 10 Innimálning, 10 lítrar
5.895 kr.

MAKO málningarlimband 25mm - 50m
445kr.

MAKO rúlla 25 cm
450kr.

MAKO pensill 50mm
490kr.

LÆKKUM VERÐIÐ Á BYGGINGAVÖRUM

Meiri gæði
Lægra verð
MÚRBÚÐIN

— Afslátt eða gott verð? —
Sími 412 2500 - sala@murbudin.is - www.murbudin.is

Mikill áhugi á nýjum samtökum um heilsuferðapjónustu:

Íslandi áfangi í heilsuferðamennsku

Á annað hundrað manns mættu á stofnfund samtaka um heilsuferðarþjónustu sem haldinn var í gær á kaffi Nauthól í Nauthólsvík. Markmið samtakanna er „að stuðla að fagmennsku og gæðum í heilsuferðarþjónustu og kynna sérstöðu landsins, náttúru og hreinleika í tengslum við heilsu og vellíðan... og auka verulega markaðshlutdeild heilsuferðarþjónustu í íslensku ferðarþjónustu fyrir árið 2015 og auka tekjur af heilsuferðarþjónustu sem er afar arðsöm undirgrein ferðaiðnaðarinnar,“ segir í fréttatilkynningu.

Katrín Júlíusdóttir, iðnaðar- og ferðamálaráðgjafi, tilkynnti um fjögurra milljóna króna fjárveitingu til verkefnisins á fundinum en aðstandendur þess vonast eftir fjölgun ferðalanga í heilsuferðum þegar næsta haust.

Að fundi loknum voru gestir lóðsaðir um Nauthólsvíkina á reiðhjólum af þeim Stefáni Helga Valssyni og Ursulu Spitzbart sem stofnuðu fyrirtækið Reykjavík Bike Tours síðastliðið sumar. - sbt



HJÓLUÐU Í NAUTHÓLSVÍKINNÍ Að loknum fundi um heilsuferðamennsku hjóluðu fundargestir í Nauthólsvíkinni undir leiðsögn meðal annars Stefáns Helga Valssonar sem hér sést ásamt Katrínu Júlíusdóttur, iðnaðar- og ferðamálaráðgjafi, og Ólöfu Ýrr Atladóttur ferðamálastjóra.

FRÉTTABLAÐIÐ/GVA